



Na osnovu člana 22 Statuta Brčko distrikta BiH – prethodni tekst (Službeni glasnik Brčko distrikta BiH, broj 2/10), Skupština Brčko distrikta Bosne i Hercegovine na 71. sjednici, održanoj 8. augusta 2012. godine, usvaja

ZAKON O IZMJENAMA I DOPUNAMA ZAKONA O POREZU NA DOBIT

Član 1

U Zakonu o porezu na dobit (Službeni glasnik Brčko distrikta BiH, brojevi: 60/10 i 57/11), u članu 29 stavu 2, iza tačke f) dodaju se nove tačke g), h), i) i j) koje glase:

- „ g) na prihod u obliku kamata kod prodaje opreme na kredit koja poreznom obvezniku služi za obavljanje djelatnosti,
- h) na prihod u obliku kamata kod prodaje robe na kredit poreznom obvezniku,
- i) na prihod od kamata po kreditima bilo koje vrste koje daje inostrana banka,
- j) na prihod od kamata po bilo kojoj vrsti kredita, kada u svoje ime, a za račun poreznog obveznika Brčko distrikta na inostranom tržištu zadužuje osnivač - vlasnik najmanje 20% akcija ili udjela u neakcionarskom društvu na teritoriji Brčko distrikta.“

Član 2

Član 38 mijenja se i glasi:

„ Član 38

- (1) Poreznom obvezniku koji na teritoriji Distrikta izvrši ulaganja u zemljište, građevinske objekte, postrojenja u opremu (mašine), namještaj i transportna sredstva za obavljanje vlastite registrovane djelatnosti, porezna osnovica se umanjuje za iznos izvršenog ulaganja u toj godini, s tim što umanjenje porezne osnovice ne može biti veće od 50% oporezive osnovice, koju čini obračunata dobit iz prelaza i dobit utvrđena na način propisan članovima od 5 do 19 ovog zakona.
- (2) Izuzetno od odredbi stava 1 ovog člana, poreznom obvezniku koji na teritoriji Distrikta izvrši ulaganja u zemljište i građevinske objekte koji služe obavljanju vlastite registrovane proizvodne djelatnosti, postrojenja i opremu (mašine) koji se neposredno koriste u procesu proizvodnje i prerade, porezna osnovica se umanjuje za iznos izvršenog ulaganja u toj godini, koju čini obračunata dobit iz prelaza i dobit utvrđena na način propisan članovima od 5 do 19 ovog zakona.

- (3) Prilikom umanjenja porezne osnovice iz stavova 1 i 2 ovog člana uzima se u obzir samo cijena koštanja uložениh sredstava u toj godini.
- (4) Sredstvima iz stava 1 ovog člana ne smatraju se: putni i osobni automobili, osim automobila za taksi prevoz, rent-a-car, obuku vozača i specijalnih putničkih automobila s ugrađenim uređajima za bolesnike; namještaj, osim namještaja za opremanje hotela, motela i restorana.
- (5) U slučaju otuđenja osnovnih sredstava iz stavova 1 i 2 ovog člana prije isteka roka od pet godina porezni obveznik gubi pravo na porezni podsticaj umanjenja porezne osnovice za iznos izvršenih ulaganja.
- (6) U slučaju iz stava 5 ovog člana, porezni obveznik je dužan da otuđenja osnovnih sredstava prijavi nadležnom poreznom organu u roku od 30 dana od dana otuđenja tih sredstava.“

član 3

Naziv dijela „DIO OSMI- POREZNI PODSTICAJI“ mijenja se i glasi:“ DIO OSMI- POREZNI PODSTICAJI I POREZNA OSLOBODAVANJA“.

član 4

Iz člana 39 dodaje se novi član 39a koji glasi:

„ član 39a

(Porezno oslobođavanje po osnovu učešća prihoda od izvoza u ukupnom prihodu)

Obveznika koji je u godini za koju se utvrđuje porez na dobit izvozom ostvario određen procenat od ukupno ostvarenog prihoda oslobođava se plaćanja poreza na dobit na osnovicu, koju čini obračunata dobit iz prelaza i dobit utvrđena na in propisan članovima od 5 do 19 ovog zakona, dvostruko srazmjerno učešću u prihodu od izvoza u ukupno ostvarenom prihodu.“

član 5

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-608/12

Brčko, 8. 8. 2012. godine

DOPREDSJEDNIK
SKUPŠTINE BRČKO DISTRIKTA BiH

Ivan Krndelj, dipl. oec.